



Broj: 01/2-04-2313-5/2024

Breza, 01.11.2024. godine

Na osnovu člana 64. stav (1) tačka (b), člana 70. st. (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22) i člana 39. Statuta Općine Breza („Službeni glasnik Općine Breza“ broj: 7/21), na Preporuku Komisije za javnu nabavku (broj: 02/1-2-11-2590-17/2024 od 31.10.2024. godine) u postupku javne nabavke roba: „Nabavka novog namjenskog vozila za odvojeno prikupljanje i odvoz selektovanog otpada“, Općinski načelnik, d o n o s i

ODLUKU
o izboru najpovoljnijeg ponuđača
„Nabavka novog namjenskog vozila za odvojeno prikupljanje i odvoz selektovanog otpada“

Član 1.

- (1) Prihvata se Preporuka Komisije za javne nabavke (broj: 02/1-2-11-2590-9/2024 od 12.09.2024. godine) i Ugovor za javnu nabavku roba: „**Nabavka novog namjenskog vozila za odvojeno prikupljanje i odvoz selektovanog otpada**“, dodjeljuje se izabranom ponuđaču „**LIV-S“ d.o.o. Visoko**, za ponudenu cijenu od **160.000,00 KM bez PDV-a, odnosno 187.200,00 KM sa PDV-om** (ponuda broj: 14 od 03.09.2024. godine).
- (2) Poništava se Odluka o izboru najpovoljnijeg ponuđača „**SV COMPANY**“ d.o.o. Laktaši, br. 01/2-04-2313-3/2024 od 16.09.2024. godine.

Član 2.

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti, u roku od 5 (pet) dana od dana prijema ove Odluke, originale ili ovjerene fotokopije dokumenata iz člana 45. Stav (1) tačke od a) do d) Zakona o javnim nabavkama, ne starije od 3 (tri) mjeseca računajući od momenta predaje ponude, u skladu sa tačkom C)12. Tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje Služba za privredu.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Ugovorni organ, Općina Breza je, nakon provedene e-aukcije, dana 16.09.2024. godine donio Odluku o izboru najpovoljnijeg ponuđača „SV COMPANY“ d.o.o. Laktaši, broj: 01/2-04-2313-3/2024.

Dana 26.09.2024. godine, ponuđač „LIV-S“ d.o.o. Visoko, putem advokata Sanela Nezirića izjavio žalbu na Odluku o izboru najpovoljnijeg ponuđača „Nabavka novog namjenskog vozila za odvojeno prikupljanje i odvoz selektovanog otpada“, JN-19-245/24. godine, koja je blagovremena, dopuštena i izjavljena od ovlaštenog lica.

Ugovorni organ je aktom broj: 01/2-04-2313-4/2024 od 01.10.2024. godine, žalbu uz izjašnjenje prosljedio Uredu za razmatranje žalbi, u skladu sa članom 100. stav 5) Zakona o javnim nabavkama („Službeni glasnik BiH“ br. 39/14 i 59/22).

Ured za razmatranje žalbi je, Rješenjem br. JN2-03-07-1-2661-7/24 od 25.10.2024. godine, usvojio žalbu, poništio Odluku o izboru najpovoljnijeg ponuđača broj:01/2-04-233-3/2024 od 16.09.2024. godine i predmet je vraćen na ponovni postupak.

Postupajući po Rješenju URŽ-a, Komisija za javnu nabavku je dana 30.10.2024. godine u 14,00 sati izvršila ponovnu ocjenu ponude

Komisija za javnu nabavku dostavila je dana 30.10.2024. godine, Zapisnik o pregledu i ocjeni ponuda, broj: 02/1-2-11-2590-16/2024 i Preporuku o izboru najpovoljnijeg ponuđača, broj: 02/1-2-11-2590-17/2024 u postupku javne nabavke: „Nabavka novog namjenskog vozila za odvojeno prikupljanje i odvoz selektovanog otpada“ i konstatovala:

- da je ukupan broj pristiglih ponuda 2 (dva);
- da je blagovremeno zaprimljeno 2 (dvije) ponude;
- da nije bilo neblagovremeno zaprimljenih ponuda;
- da je ponuda ponuđača „LIV-S“ d.o.o.Visoko, prihvatljiva ponuda;
- da je ponuda ponuđača „SV COMPANY“ d.o.o. Laktaši nepravilna iz sljedećih razloga: Ponuđeno je polovno vozilo, a predmet nabavke je „Nabavka novog namjenskog vozila za odvojeno prikupljanje i odvoz selektovanog otpada“, kako je navedeno i u opisu predmetne nabavke,

Dostavljena je Izjava o ovlaštenom servisu, ali isti nisu ovlašteni za servisiranje nadogradnje kamiona COSESO, kako je zahtijevano tenderskom dokumentacijom (Izjava, izdata i ovjerena od strane ponuđača, da u Bosni i Hercegovini postoji/e ovlašteni servis za ponuđeno vozilo, sa navedenim tačnim nazivom i adresom servisa za predmetno vozilo).

Poništava se aukcija koja je bila održana dana 12.09.2024. godine u 14,35 sati i s obzirom da je dostavljena samo jedna prihvatljiva ponuda, e-aukcija se ne može zakazati, nego se postupak okončava u skladu sa članom 69. Zakona o javnim nabavkama, u skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj: 80/23), odnosno prihvata se cijena ponude prije

aukcije od ponuđača „LIV-S“ d.o.o. Visoko kao najpovoljnija ponuda u postupku javne nabavke.

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj: 39/14 i 59/22).

Predlagač: Služba za privredu, Salih Hasanspahić_____

Obrađivač: Jasmina Došlić_____

DOSTAVLJENO:

- 1x Svim ponuđačima koji su učestvovali u postupku JN
- 1x Služba za privredu
- 1x Služba za finansije, inspekcijske poslove i opću upravu
- 1x web stranica
- 1x Evidencija
- 1x a/a

OPĆINSKI NAČELNIK

Vedad Jusić